

## अज्ञातकर्तृक-संस्कृत-अपभ्रंश भाषामयं स्तोत्रवट्कम् ॥

सं. मुनि रत्नकीर्तिविजय

चाणस्मा जैन ज्ञानभंडारनी हस्तलिखित प्रतमां २४ तीर्थकरनी स्तुति व.नो संग्रह छे. तदन्तर्गत नंदीश्वरादि स्तुतिओ तथा वर्तमानचोकीशीना आदिनाथ - शान्तिनाथ - नेमिनाथ - पार्श्वनाथ अने महावीरस्वामी, आ पांच जिनेश्वरेनां स्तोत्रो प्राप्त थयां छे. तेमां, नंदीश्वरादिस्तुतिओमां अनुकमे नंदीश्वरद्वीप, सम्मेतशिखरस्तीर्थ पर सिद्ध थयेला २० तीर्थकरो, अष्टपद पर्वत पर बिराजमान २४ तीर्थकरो, श्रीसीमधरस्वामी भगवान, समकाले थयेला १७० तीर्थकरो, त्रण लोकनां जिनचैत्यो, १२ अंगस्वरूप ज्ञान अने महावीर स्वामी भगवानना शासनरक्षक सिद्धायिका देवीनी स्तुतिओ छे.

त्यार बाद पांच-पांच गाथा प्रमाण पांचे तीर्थकर भगवंतनां स्तोत्रोमां ते-ते तीर्थकर भगवंतना वर्ण, लाङ्छन, पूर्वभवो, पांचे कल्याणकोना मास तथा तिथि, तथा शरीर प्रमाण व.नुं वर्णन छे.

आशेर १६मा सैकामां लखाएली पोथी लागे छे. प्रतिनुं लखाण १०मा पत्रना बीजा भागमां समाप्त थया पछी, एक भूंसाएली पंक्तिमां “संवत् १५९० वर्षे” एवं वांची तो शकाय छे. कर्तानुं नाम मळतुं नथी.

आमां प्रथम रचनाने बाद करतां शेष बधां स्तोत्रो अपभ्रंश भाषामां छे, ते उल्लेखनीय छे.

### श्रीनन्दीश्वरादिस्तुतयः ॥

(१)

नन्दीश्वरद्वीपमितैर्जिनानां प्रासादशृङ्गैर्भुवि भासमानम् ।

विद्याधराणामसुरामरणां नाथैः स्तुतं मङ्गलदायि भूयात् ॥१॥

सम्पेतशैलामिधभूमहेला - शिरेवतंसात्रिजगत्प्रशंसाः ।

लब्धप्रतिष्ठाः शिवसौख्यलक्ष्मीं कुर्वन्ति ते विशतितीर्थनाथाः ॥२॥

अष्टपदस्था निजमानवर्णा - श्विहर्युताः श्रीधरतेन भक्त्या ।

संस्थापिता तरमानतेन्द्राः(?) श्रीआदिनाथप्रमुखा जिनेन्द्राः ॥३॥

सीमन्धरं निर्जरकोटिसेव्यं तीर्थङ्करं क्षेमकरं जनानाम् ।  
 सदेशनाप्रीणितभव्यसङ्क - मनन्तलक्ष्मीप्रदमानमामि ॥४॥  
 कैवल्यतलक्ष्म्या तिथिमेयकर्म-भूमीः पवित्राः समपेव चक्रः ।  
 उत्कृष्टकाले शतसप्ततिस्ते तीर्थङ्कर्ण मे शिवदा भवन्तु ॥५॥  
 स्वर्गे च पातालतले विशाले भूलोकमध्ये बहुतीर्थमाले ।  
 भूतानि भावीनि च सन्ति यानि जैनानि चैत्यानि नमामि तानि ॥६॥  
 संदर्शितानेकभवस्वरूपं शश्वत्पतञ्जप्रमिताङ्गरूपम् ।  
 मिथ्यात्ववल्लीलवने लवित्रं ज्ञानं जगदीपमहं स्मरामि ॥७॥  
 सिद्धायिका वीरजिनस्य तीर्थ-सेवापरणां भविकव्रजानाम् ।  
 विघ्नापहा शासनदेवतेयं माङ्गल्यमालामतुलां तनोतु ॥८॥

इति नन्दीश्वरादिस्तुतयः समाप्ताः ॥

( २ )

जय जय पईव कुंतलकलाव विलसंत बहुलकज्जलसहाव ।  
 कलहूयकंति मरुदेवि-नाभि-निव-तणय रिसह वसहंक सामि ॥१॥  
 धण मिहुण तियस नरनाह देव निव वयसंघ मिहुणे स चेव ।  
 सोहम्प-विज्ज-अच्चुय-चक्रि-सब्बदुसिद्धि अवयरीअ इत्थि ॥२॥  
 आसाढबहुल चबीड चडत्थि कसिणदुमि जायउ मासि चित्ति ।  
 इक्खागुभूमि नयरी विणीय धणु पैँचसय तिहि तणुपणीय ॥३॥  
 चित्तदुमि गिन्हइ सामि दिक्ख चड सहस समन्त्रिय कसिणपक्खि ।  
 इग्यारसि बहुली फगगुणस्स संपञ्जइ केवलनाण तस्स ॥४॥  
 माह वदि तेरसि उञ्जल निय जसि पुञ्जलकख चुलसीय जूय ।  
 जय पढम जिणेसर सूअ भरहेसर करि पसाउ निम्मलचरीय ॥५॥

॥ इति श्री आदिनाथस्तोत्रम् ॥

( ३ )

वीससेण अझरदेवि नंदण तणुहरण  
 जय अपुञ्ज हरिणक अखंडिय तणु किरण ।  
 सिरिसिरिसेण कुरु-नर सोहम्प खयर निव

पाण्य सो अपराजीय अच्चुय इंदभव ॥१॥  
 विज्ञाहिव गेविज्ज नरवइ भेहरह  
 सव्वटु अवयत्र गयत्र संतियह ।  
 भाद्रवए वदि सातमि सामि चवण तुह  
 जिटु कसिण तेरसि निसि जीयउ जम्ममहो(ह) ॥२॥  
 जिटु चडद्वसि बहुलीय संजम सिरि वरीय  
 पोस सुदि नउमि दिणि केवल वरि वरीय ।  
 जिटु कसिण तेरसि निसि कंचणकंति तणु  
 मुकखसुकख पहु पामीय छंडीय कम्मवण ॥३॥  
 चउसस्टु सहस अंतेडर चुलसीय लक्खय  
 हय-गय-रहवर छम्भवइ कोडि पायक तह य ।  
 नवनिहि चउद रयण छ खंड सभूमिवर  
 धम्मचक्रि सोलसमु पंचम चक्रहर ॥४॥  
 चालीस-धणुह-देहो लक्ख-वरिसाण जीवियं जस्स ।  
 सो संतिनाहदेवो करेइ संघस्स सिवसंती ॥५॥  
 ॥ इति श्री शान्तिनाथस्तोत्रम् ॥

( ४ )

पंचजनि आउरिय संख जिणि दिणह  
 अज्जवि जसु पय सेवइ लंछणमिसि जिणह ।  
 रायमई मणवल्लह सोहग सुंदरह  
 नेमिचरीय निज्जइ फलिणी सामलह ॥१॥  
 आसि धणो तसु दइया धणवइ सुहमसुर  
 चित्तगइ विद्याहर रयणमइ महिंदसुर ।  
 आपराजीय प्रीय प्रीयमइ पायारणह  
 संखनिवो तसु जसुमइ प्रीय अपराजीयह ॥२॥  
 नवमभवे सोरियपुरि समुदविजय घरणि  
 सिवादेविरणी नंदण जायुकुल तसुण  
 कन्ती किसिण दुवालसि अपराजीय चवणु

श्रावण सिय पहुं पंचमि मंदरगिरिहवण ॥३॥  
 सीय छट्ठि सावण सहस्र समन्त्रिय बय गहण  
 रेवइगिरिवरि सामी रथमङ्ग परिहरण ।  
 दिण चउपत्र अणंतर आसो मावसह .  
 केवलनानी विहरइ तणु जसु दस धणुह ॥४॥  
 जीविय वरिस सहस्रं आसाढे अटुमीय सिय पक्खे ।  
 संपत्तं सिद्धिसुहं उर्ज्जिते नमह नेमिजिण ॥५॥  
 ॥ इति नेमिनाथ स्तोत्रम् ॥

( ५ )

सामि सामलय तणु कंति किरणावली  
 जयउ विलसंत कल्पण-घणमंडली ।  
 जयउ धरण्ड-फणि रयण रयविज्जला  
 भविय घण मोर नच्चंति हरिसुज्जला ॥१॥  
 नाह मरभूइ भवि भमीय वणि गयवरो  
 देव सहसार विज्जाहर ब्बूअ सुरो ।  
 विज्जनाहो य गेविज्ज कणयापहो  
 चक्रबट्टी य पाणय विमाणच्चुअ ॥२॥  
 चित्त चउत्थीइ कसिणाइ वाणारसी  
 नयरि निव आससेणस्स वामासई ।  
 पोस दसमीइ कसिणाइ जमुत्सवो  
 तास इयारसी गिणहए संजमो ॥३॥  
 कसिण चउत्थीइ चित्तस्स तुह केवलं  
 सुद्ध अटुमिहिं श्रावणह पत्तो सिवं ।  
 नाह तणुमाण नवहत्थ फणि लंबणो  
 वरिस सउ आउ जिण नयण आणंदणो ॥४॥  
 जिण विघ्न विणासण पाव पणासण पास पसन्नउ होउ महो ।  
 पउमावइ देवी जसु पय सेवी मनवंछित सुह देउ महो ॥५॥  
 ॥ इति श्री पार्श्वनाथस्तोत्रम् ॥

(6)

जयउ सो सामी वीर जिणंदो  
 पिक्खिय लंछणि जासु मइंदो ।  
 संगम कामिण मणिमणि वासो  
 काम करी किम करइ उल्लासो ॥१॥  
 नयसार सोहमि मिरीय सुबंधे  
 कोसीय सुर वसुमित्र सुहम्मे ।  
 अगिगजोई ईसाणगिगभूई  
 सिरभारद्वह महिंद चउगई ॥२॥  
 थावर सुर वसुभूइ य सक्के  
 हरि नारय सोह नारय चक्के ।  
 सक्कीय नंदण पाणय चवीउ  
 देवाणंदा ऊअरि अवयरिड ॥३॥  
 सीय छट्ठि साढ्ह वसीउ  
 बियासी दिणि आणोई हरिणेगमेसी ।  
 कुङ्गामि सिद्धत्थह नरवइ  
 वालंभ त्रिसला तसु कुखि आवइ ॥४॥  
 चैत्रसीय तेसि जायु जम्म  
 मेरु कंपावीय सुणीइ रम्म ।  
 छप्पियइ नंदण दईय जसोआ  
 नंदिवर्द्धन पहो जाणे भाया ॥५॥  
 बहुल दसमि पहु मगसिर मासह  
 दिक्ख लेउ सहीया उवसग सहस ।  
 सिय वइसाह दसमिइं केवल  
 कित्तीयमावस सुद्ध सीय निम्पल ॥६॥  
 इय जिण वीरह कणय सरीरह सत्त हत्थु उच्चत तणु ।  
 जय गणहर गोयम जगि जस उत्तम

फलीय संयुक्त कल्पाणवण ॥७॥

॥ इति श्री महावीरस्तोत्रम् ॥